

西南夷兩粵朝鮮傳第六十五 漢書九十五

漢 護 軍 班 固 撰

唐議奏行秘書監裴縣開國學顏 師古 集註

西南夷傳

南夷君長以十數夜郎最大 師古曰後為縣屬牂柯郡 其

西靡莫之屬以十數滇最大 師古曰地有滇地因為名也 滇

音顛 自滇以北君長以十數邛都最大 師古曰今

之邛州 此皆椎結 師古曰椎音直追反結讀曰髻為髻如推之形也陸賈傳及貨

殖傳皆作雉字音義同 耕田有邑聚其外西自

耳此下朝鮮傳亦同 桐師以東北至葉榆師古曰葉榆澤名因以名

為雋昆明師古曰雋即今之雋州也昆明又在其地

也雋編髮師古曰編音步典反隨畜移徙亡常處亡君

長地方可數千里自雋以東北君長以十

數徙苻都最大師古曰徙及苻都二國也徙後為徙縣屬蜀郡苻都後為沈黎郡徙

音斯苻音材各反自苻以東北君長以十數冉駝最

大師古曰今夔州開州首領多其俗或土著或

西南夷

移徙師古曰土著謂有常居著於土地也著音直略反在蜀之西自駝

以東北君長以十數白馬最大皆氐類也

此皆巴蜀西南外蠻夷也始楚威王時使

將軍莊蹻將兵循江上師古曰循順也謂緣江而上也蹻音居畧反

略巴黔中以西師古曰黔中即今黔州是其地本巴人也莊蹻者楚

莊王苗裔也蹻至滇池方二三百里師古曰地理志益州

滇池縣其澤在西北華陽國志云澤下流淺狹狀如倒池故曰滇池旁平地肥饒數

千里師古曰池旁之地也以兵威定屬楚欲歸報會

秦擊奪楚巴黔中郡道塞不通因廼以其  
衆王滇變服從其俗以長之師古曰爲其長帥也秦時  
嘗破略通五尺道師古曰其處險阨故道才廣五尺諸此國  
頗置吏焉十餘歲秦滅及漢興皆棄此國  
而關蜀故徼師古曰西南之徼猶北方塞也徼音工鈞反巴蜀民或  
竊出商賈取其茷馬夔僮旄牛以此巴蜀  
殷富建元六年大行王恢擊東粵東粵殺  
王郢以報恢因兵威使番禺令唐蒙風曉

西南夷

南粵

師古曰番禺音蒲何反風讀曰諷

南粵食蒙蜀枸醬

晉灼曰枸

音矩劉德曰枸樹如桑其椹長二三寸味酢取其實以爲醬美蜀人以爲珍味師古曰劉說非也子形如桑椹耳緣木而生非樹也子又不長二三寸味尤辛不酢今石渠則有之食讀曰飲蒙問所從

來曰道西北牂柯江

師古曰道由此而來

江廣數里

出番禺城下

師古曰番禺音普安反禺音隅

蒙歸至長安問

蜀賈人獨蜀出枸醬多持竊出市夜郎夜郎者臨牂柯江江廣百餘步足以行船南粵以財物役屬夜郎西至桐師然亦不能

臣使也蒙廼上書說上曰南粵王黃屋左

纛師古曰言為天子之車服地東西萬餘里名為外臣實

一州主今以長沙豫章往水道多絕難行

竊聞夜郎所有精兵可得十萬浮船牂柯

出不意此制粵一奇也誠以漢之疆巴蜀

之饒通夜郎道為置吏甚易上許之乃拜

蒙以郎中將劉放曰當作中郎將後使相如以郎中將往諭同將千人

食重萬餘人師古曰食糧及衣重也重音直用反從巴苻關入

西南夷

遂見夜郎侯多同師古曰多同其侯名也厚賜諭以威

德約為置吏使其子為令師古曰比之於漢縣也夜郎

旁小邑皆貪漢繒帛以為漢道險終不能

有也廼且聽蒙約還報廼以為犍為郡發

巴蜀卒治道自犍道指牂柯江蜀人司馬

相如亦言西夷印苻可置郡使相如以郎

中將往諭皆如南夷為置一都尉十餘縣

屬蜀當是時巴蜀四郡通西南夷道載轉

相饒

師古曰饒古餉字

數歲道不通士罷餓餒離暑

溼死者甚衆

師古曰罷讀曰疲餒飢也離遭也餒音能

西南夷又

數反發兵興擊耗費亡功

師古曰耗損也音呼到反

上患

之使公孫弘往視問焉還報言其不便及

弘為御史大夫時方築朔方據河逐胡弘

等因言西南夷為害

師古曰言通西南夷大為損害

可且罷

專力事匈奴上許之罷西夷獨置南夷兩

縣一都尉稍令犍為自保就

師古曰令自保守且脩成其郡

西南夷

縣

及元狩元年博望侯張騫言使大夏時

見蜀布印竹杖問所從來曰從東南身毒

國

師古曰即天竺也亦曰消篤也

可數千里得蜀賈人市或

聞邛西可二千里有身毒國騫因益言大

夏在漢西南慕中國患匈奴隔其道誠通

蜀身毒國道便近又亡害於是天子乃令

王然于栢始昌呂越人等十餘輩間出西

南夷

師古曰求間隙而出也

指求身毒國至滇滇土當

大司三十一

方輿

五

羗廼留為求道

師古曰當羗滇王名。宋祁曰遷史當作嘗注云嘗一作賞

四

歲餘

○宋祁曰据遷史當云為求道西此四字當屬上句作西

皆閉昆明莫

能通

師古曰為昆明所閉塞

滇王與漢使言漢孰與我

大

師古曰與猶如

及夜郎侯亦然各自以一州王

不知漢廣大使者還因盛言滇大國足事

親附

師古曰言可專事招來之令其親附

天子注意焉及至南

粵反上使馳義侯因犍為發南夷兵且蘭

君恐遠行旁國虜其老弱

師古曰恐發兵與漢行後其國空虛

西南夷一

而旁國來寇鈔取其老弱也且音子餘反

乃與其眾反殺使者及犍

為太守漢廼發巴蜀罪人當擊南粵者八

校尉擊之會越已破漢八校尉不下中郎

郭昌衛廣引兵還行誅隔滇道者且蘭

師古

曰言因軍行而便誅之也

斬首數萬遂平南夷為牂柯郡

夜郎侯始倚南粵南粵已滅還誅反者

師古

曰謂軍還而誅且蘭

夜郎遂入朝上以為夜郎王南粵

破後及漢誅且蘭邛君并殺犍侯冉駹皆

震恐請臣置吏以邛都為粵雋郡葑都為  
沈黎郡冉駝為文山郡廣漢西白馬為武  
都郡使王然子以粵破及誅南夷兵威風  
諭滇王入朝師古曰風讀曰颯滇王者其眾數萬人  
其旁東北勞深靡莫皆同姓相杖未肯聽  
師古曰杖猶倚也相依倚為援而不聽滇王入朝也杖音直亮反勞莫數侵犯使  
者吏卒元封二年天子發巴蜀兵擊滅勞  
深靡莫以兵臨滇滇王始首善以故弗誅

西南夷

師古曰言初始以來常有善意

滇王離西夷

師古曰言東嚮事漢

滇舉

國降

劉敞曰多一滇字宋祁曰鄭本無滇字

請置吏入朝於是

為益州郡賜滇王王印復長其民

師古曰為之長帥

西南夷君長以百人

宋祁曰百人越本作數謝本楊本作入

獨夜

郎滇受王印滇小邑也最寵焉後二十三  
歲孝昭始元元年益州廉頭姑繒民反殺  
長吏牂柯談指同並等二十四邑凡三萬  
餘人皆反師古曰並音伴遣水衡都尉發蜀郡犍為

大司馬

西南夷

奔命萬餘人

師古曰奔古奔字  
奔命解在昭紀

擊牂柯大破

之後二歲姑繒葉榆復反遣水衡都尉呂

辟胡將郡兵擊之

師古曰  
辟音璧

辟胡不進蠻夷遂

殺益州太守乘勝與辟胡戰士戰及溺死

者四千餘人明年復遣軍正王平與大鴻

臚田廣明等竝進大破益州斬首捕虜五

萬餘級獲畜產十餘萬上曰鈞町侯亡波

率其邑君長人民擊反者

師古曰鈞音鉅于  
反町音大鼎反

西南夷

斬首捕虜有功其立亡波為鈞町王大鴻

臚廣明賜爵關內侯食邑三百戶後間歲

武都氏人反

師古曰間  
歲隔一歲

遣執金吾馬適建

龍頷侯韓增與大鴻臚廣明將兵擊之至

成帝河平中夜郎王興與鈞町王禹漏卧

侯俞

孟康曰漏卧夷邑各後  
為縣師古曰俞音踰

更舉兵相攻

師古曰  
更互也

音工  
衡反

牂柯太守請發兵誅興等議者以為

道遠不可擊迺遣太中大夫蜀郡張匡持



節和解興等不從命刻木象漢吏立道旁射之杜欽說大將軍王鳳曰太中大夫臣使和解蠻夷王侯王侯受詔已復相攻輕易漢使不憚國威其效可見見恐議者選更復守和解師古曰選更法不前之意也太守察動靜有變廼以聞如此則復曠一時師古曰曠空也一時三月也言空廢一時不早發兵也王侯得收獵其衆申固其謀黨助衆多各不勝忿必相殄滅自知罪

西南夷

成狂犯守尉

師古曰言起狂悖之心而殺守尉也

遠臧温暑毒

草之地雖有孫吳將賁育士

師古曰孫孫武也吳吳起也賁

子孟賁也育夏育也

若入水火往必焦没知勇亡所施

屯田守之費不可勝量宜因其罪惡未成

未疑漢家加誅陰救旁郡守尉練士馬

師古

曰練簡也

大司農豫調穀積要害處

師古曰調發也要害者在

我為要於敵為害也調音徒鈞反

選任職太守往以秋涼時入

誅其王侯尤不軌者即以爲不毛之地云

大司農

西南夷

卷之九十五

用之民聖王不以勞中國師古曰即猶若也不

宜罷郡放棄其民絕其王侯勿復通如以毛言草木不生也

先帝所立累世之功不可墮壞師古曰如亦若也墮毀也

音火規反亦宜因其萌芽早斷絕之及已成形

然後戰師則萬姓被害大將軍鳳於是薦

金城司馬陳立為牂柯太守立者臨邛人

前為連然長不韋令蘇林曰昔益州縣也蠻夷畏之

及至牂柯諭告夜郎王興興不從命立請

西南夷

誅之未報迺從吏數十人出行縣師古曰行音下更反

至興國且同亭師古曰且音子余反召興興將數千人

往至亭從邑君數十人入見立立數責因

斷頭師古曰數音所具反邑君曰將軍誅亡狀為民除

害願出曉士眾以興頭示之皆釋兵降師古

曰釋解也鈎町王禹漏卧侯俞震恐入粟千斛

牛羊勞吏士立還歸郡興妻父翁指與興

子邪務收餘兵迫脅旁二十二邑反至冬

立奏募諸夷與都尉長史分將攻翁指等  
翁指據院為壘立使奇兵絕其饗道縱反  
閒以誘其眾師古曰閒音居其反都尉萬年白兵久不  
決費不可共師古曰共讀曰供引兵獨進敗走趨立  
營師古曰趨讀曰趣趨向也立怒叱戲下令格之師古曰戲音許宜反  
又音麾解在高紀及灌夫傳都尉復還戰立引兵救之時  
天大旱立攻絕其水道蠻夷共斬翁指持  
首出降立已平定西夷徵詣京師會巴郡

西南夷

有盜賊復以立為巴郡太守秩中二千石  
居賜爵左庶長師古曰第十爵也徙為天水太守勸  
民農桑為天下最賜金四十斤入為左曹  
衛將軍護軍都尉卒官王莽篡位改漢制  
貶鈞町王以為侯王邯怨恨師古曰邯其王一名也邯音酣  
牂柯大尹周欽詐殺邯邯弟承攻殺欽州  
郡擊之不能服三邊蠻夷愁擾盡反復殺  
益州大尹程隆莽遣平蠻將軍馮茂發巴

蜀犍為吏士賦斂取足於民以擊益州出入三年疾疫死者什七巴蜀騷動莽徵茂還誅之更遣寧始將軍廉丹與庸部牧史熊師古曰莽改益州為庸部大發天水隴西騎士廣漢巴蜀犍為吏民十萬人轉輸者合二十萬人擊之始至頗斬首數千其後軍糧前後不相及士卒飢疫三歲餘死者數萬而粵雋蠻夷任貴亦殺太守枚根自立為邛穀王

西南夷

師古曰枚相太守之姓名曰此漢興者謂光武中興也

### 南粵主趙佗傳

南粵主趙佗真定人也

師古曰真定本趙國之縣也佗音徒何反

秦

并天下略定揚粵

師古曰本揚州之分故云揚粵

置桂林南

海象郡以適徙民與粵雜處

師古曰適讀曰謫謫有罪者徙

之於越地與其土人雜居

十三歲至二世時南海尉任囂

師古曰囂音教

病且死召龍川令趙佗

師古曰龍川南海之縣也即今

又注小字十二

之循

語曰聞陳勝等作亂豪傑叛秦相立

南海辟遠恐盜兵侵此

師古曰辟讀曰僻

吾欲興兵

絕新道

師古曰秦所開越道也

自備待諸侯變會侯甚

且番禺負山險阻

師古曰負借也

南北東西數千里

頗有中國人相輔此亦一州之主可為國

郡中長吏亡足與謀者故召公告之即被

佗書行南海尉事

師古曰被知也音皮義反

囂死佗即移

檄告橫浦陽山湟谿關

師古曰湟音皇

曰盜兵且至

南粵

急絕道聚兵自守因稍以法誅秦所置吏

以其黨為守假

師古曰令為郡縣之職或守或假也

秦已滅佗

即擊并桂林象郡自立為南粵武王高帝

已定天下為中國勞苦故釋佗不誅

師古曰釋置也

十一年遣陸賈立佗為南粵王與剖符通

使使和輯百粵

師古曰輯與集同

毋為南邊害與長

沙接境高后時有司請禁粵關市鐵器佗

曰高皇帝立我通使物今高后聽讒臣別

異蠻夷鬪絕器物師古曰鬪與鬪同此必長沙王計

欲倚中國師古曰倚音於綺反擊滅南海并王之自為

功也於是佗乃自尊號為南武帝發兵攻

長沙邊敗數縣焉高后遣將軍隆慮侯竈

擊之師古曰周竈也慮音慮會暑溼士卒大疫兵不能

諭領師古曰諭與諭同下皆類此歲餘高后崩即罷兵佗

因此以兵威財物賂遺閩粵西甌駱役屬

焉師古曰西甌即駱越也言西者以別東甌也宋祁曰甌集韻於口反駱越種也東西

南粵

萬餘里廼乘黃屋左纛稱制與中國侔師古曰侔侔等也

文帝元年初鎮撫天下使告諸侯四夷從

代來即位意諭盛德焉師古曰言不以威武加於遠方也廼為

佗親冢在真定置守邑師古曰親謂父母也歲時奉祀

召其從昆弟尊官厚賜寵之詔丞相平舉

可使粵者平言陸賈先帝時使粵上召賈

為太中大夫謁者一人為副使賜佗書曰

皇帝謹問南粵王甚苦心勞意朕高皇帝

側室之子

師古曰言非正嫡所生也

棄外奉北藩于代道

里遼遠壅蔽樸愚未嘗致書

師古曰言未得通使於越

高

皇帝棄羣臣孝惠皇帝即世高后自臨事

不幸有疾日進不衰

師古曰言疾病益甚也

以故諄暴

乎治

師古曰諄乖也音布內反

諸呂為變故亂法不能獨

制廼取它姓子為孝惠皇帝嗣賴宗廟之

靈功臣之力誅之已畢朕以王侯吏不釋

之故

孟康曰辭讓帝位不見置也

不得不立今即位乃者

南粵

聞王遺將軍隆慮侯書求親昆弟請罷長

沙兩將軍

師古曰佗之昆弟在故鄉者求訪之而兩將軍將兵擊越者請罷之以賓附於漢也

言親昆弟者謂有服屬者也

朕以王書罷將軍博陽侯親昆

弟在真定者已遣人存問脩治先人家前

日聞王發兵於邊為寇災不止當其時長

沙苦之南郡尤甚雖王之國庸獨利乎

師古

曰言越兵寇邊長沙南郡皆厭苦之而漢軍亦當相拒方有戰鬪於越亦非利也

必多殺士

卒傷良將吏寡人之妻孤人之子獨人父

毋得一云十朕不忍為也朕欲定地犬牙  
相入者以問吏吏曰高皇帝所以介長沙  
土也師古曰介隔也朕不得擅變焉吏曰得王之財  
不足以為大得王之財不足以為富服領  
以南王自治之蘇林曰山領名也如淳曰長沙南界也雖然王之  
號為帝兩帝並立云一乘之使以通其道  
是爭也爭而不讓仁者不為也願與王分  
棄前患師古曰彼此共棄故云分終今以來通使如故師古

南粵

曰從今通使至於終久故云終今以來也故使賈馳諭告呈王朕意王

亦受之母為寇災矣上褚五十衣中褚三

十衣下褚二十衣遺王師古曰以綿裝衣曰褚上中下者綿之多少厚

薄之差也褚音竹呂反願王聽樂娛宴存問鄰國師古曰謂

東越及甌駱等陸賈至南粵王恐乃頓首謝願奉明

詔長為藩臣奉貢職於是下令國中曰吾

聞兩雄不俱立兩賢不並世漢皇帝賢天

子自今以來去帝制黃屋左纛因為書稱



蠻夷大長老夫臣佗昧死再拜上書皇帝

陛下老夫故粵吏也高皇帝幸賜臣佗璽

以為南粵主使為外臣時內貢職師古曰言以時輸入

者甚厚高后自臨用事近細士信讒臣師古曰言

別異蠻夷出令曰毋予蠻夷外粵

金鐵田器馬牛羊師古曰言非中國故云外越即予予牡母

與牝師古曰恐其蕃息老夫處辟馬牛羊齒已長師古

南粵

自以祭祀不脩有死罪使內

史藩中尉高御史平凡三輩上書謝過皆

不反又風聞老夫父母墳墓已壞削兄弟

宗族已誅論師古曰風聞風聲吏相與議曰今內不

得振於漢外亡以自高異師古曰振起也故更號為

帝自帝其國非敢有害於天下也高皇后

聞之大怒削去南粵之籍使使不通老夫

竊疑長沙王讒臣故敢發兵以伐其邊且

曰辟讀曰僻齒已長謂老也

曰細士猶言小人也

師古曰言非中國故云外越

師古曰恐其蕃息

師古曰振起也

師古曰言

師古

南方卑涇蠻夷中西有西甌其眾半羸師古

曰羸謂劣弱也南面稱王東有閩粵其眾數千人亦

稱王西北有長沙其半蠻夷亦稱王師古曰言長沙

之國半雜蠻夷之人老夫故敢妄竊帝號聊以自娛老

夫身定百邑之地東西南北數千萬里帶

甲百萬有餘然北面而臣事漢何也不敢

背先人之故老夫處粵四十九年于今抱

孫焉然夙興夜寐寢不安席食不甘味目

南粵

不視靡曼之色耳不聽鍾鼓之音者以不

得事漢也今陛下幸哀憐復故號師古曰復音扶

目反通使漢如故老夫死骨不腐改號不敢

為帝矣謹北面因使者獻白璧一雙翠鳥

千犀角十紫貝五百桂蠹一器應劭曰桂樹中蠹蟲也蘇

林曰漢舊常以獻陵廟載以赤轂小車師古曰此蟲食桂故味辛而之以密食之也蠹音丁故反生翠

四十雙孔雀二雙昧死再拜以聞皇帝陛

下陸賈還報文帝大說師古曰說讀曰悅遂至孝景

時稱臣遣使入朝請師古曰請音才性反然其居國竊

如故號其使天子稱王朝命如諸侯至武

帝建元四年佗孫胡為南粵王立三年閩

粵王郢興兵南擊邊邑粵使人上書曰兩

粵俱為藩臣毋擅興兵相攻擊今東粵擅

興兵侵臣臣不敢興兵唯天子詔之於是

天子多南粵義師古曰多猶重也守職約師古曰守藩臣之職而不

制踰約為興師遣兩將軍往討閩粵兵未踰

領閩粵王弟餘善殺郢以降於是罷兵天

子使嚴助往諭意南粵王胡頓首曰天子

迺興兵誅閩粵死亡以報德遣太子嬰齊

入宿衛謂助曰國新被寇使者行矣胡方

日夜裝入見天子助去後其大臣諫胡曰

漢興兵誅郢亦行以驚動南粵且先王言

事天子期毋失禮要之不可以怵好語入

見師古曰怵誘也不可被誘怵以入見則不得復

好語而入漢朝也怵音先聿反

歸亡國之勢也於是胡稱病竟不入見後  
十餘歲胡實病甚太子嬰齊請歸胡薨謚  
曰文王嬰齊嗣立即臧其先武帝文帝璽  
李奇曰去其借號嬰齊在長安時取邯鄲摻氏女師古  
曰摻音居蚪反生子興及即位上書請立摻氏女為  
后興為嗣漢數使使者風諭師古曰風讀曰嬰  
齊猶尚樂擅殺生自恣懼入見要以用漢  
法比內諸侯固稱病遂不入見遣子次公

南粵

入宿衛嬰齊薨謚為明王太子興嗣立其  
母為太后太后自未為嬰齊妻時嘗與霸  
陵人安國少季通師古曰姓安國字少季及嬰齊薨後  
元鼎四年漢使安國少季諭王王太后入  
朝令辯士諫大夫終軍等宣其辭勇士魏  
臣等輔其決師古曰助令決策也衛尉路博德將兵屯  
桂陽待使者王年少太后中國人安國少  
季往復與私通國人頗知之多不附太后

太后恐亂起亦欲倚漢威師古曰倚音於綺反勸王及

幸臣求內屬即因使者上書請比內諸侯

三歲壹朝除邊關於是天子許之賜其丞

相呂嘉銀印及內史中尉太傅印餘得自

置師古曰丞相內史中尉太傅之外皆任其國自選置不受漢之印綬除其故黥劓

刑用漢法諸使者留填撫之師古曰填音竹刃反王王

太后飭治行裝重資為入朝具相呂嘉年

長矣相三王宗族官貴為長吏七十餘人

小傳

男盡尚王女女盡嫁王子弟宗室及蒼梧

秦王有連孟康曰蒼梧越中王自名為秦王連親婚也晉灼曰秦王即下趙光也趙本與秦同

姓故曰秦王其居國中甚重粵人信之多為耳目

者得衆心愈於王師古曰愈勝也王之上書數諫止

王王不聽有畔心數稱病不見漢使者使

者注意嘉執未能誅王王太后亦恐嘉等

先事發欲介使者權謀誅嘉等師古曰介恃也置酒

請使者大臣皆侍坐飲嘉弟為將將卒居

宮外酒行太后謂嘉南粵內屬國之利而相君苦不便者何也以激怒使者使者狐疑相杖遂不敢發師古曰杖音直亮反嘉見耳目非是師古曰異於常也即趨出太后怒縱嘉以矛師古曰縱謂撞刺之也音窻。宋祁曰正文縱字上別本有欲字王止太后嘉遂出介弟兵就舍李奇曰介被也師古曰介甲也被甲而自衛也弟兵即上所云弟將卒居外者稱病不肯見王及使者廼陰謀作亂王素亡意誅嘉嘉知之以故數月不發太后獨欲誅

南粵

嘉等力又不能天子聞之罪使者怯亡決又以為王王太后已附漢獨呂嘉為亂不足以為興兵欲使莊參以二千人往參曰以好往數人足以武往二千人云足以為也辭不可天子罷參兵邾壯士故濟北相韓千秋師古曰邾川邾縣人也邾音夾奮曰以區區粵又有王應獨呂嘉為害劉氏校本云別本呂作相願得勇士三百人必斬嘉以報於是天子遣千秋與王太

后弟摎樂將二千人往入粵境呂嘉迺遂  
反下令國中曰王年少太后中國人又與  
使者亂專欲內屬又持先王寶入獻天子  
以自媚多從人行至長安虜賣以為僮奴  
自脫一時利亡顧趙氏社稷為萬世慮之  
意迺與其弟將卒攻殺太后王盡殺漢使  
者遣人告蒼梧秦王及其諸郡縣立明王  
長男粵妻子術陽侯建德為王而韓千秋

南粵

兵之入也破數小邑其後粵直開道給食

師古曰繼之令深  
入然後誅滅之

未至番禺四十里粵以兵擊

千秋等滅之使人函封漢使節置塞上好  
為護辭謝罪

師古曰謾誑也音  
慢又音莫連反

發兵守要害

處於是天子曰韓千秋雖亡成功亦軍鋒  
之冠

師古曰言  
最為首也

封其子延年為成安侯摎樂

其妹為王太后首願屬漢封其子廣德為  
襲侯

晉灼曰襲  
古龍字

乃赦天下曰天子微弱諸侯

力政譏臣不討賊

師古曰力政謂以兵力相加也譏臣不討賊者春秋之義

呂

嘉建德等反自立晏如

師古曰言自相置立而心安泰無恐懼

令

粵人及江淮以南樓船十萬師往討之元

鼎五年秋衛尉路博德為伏波將軍出桂

陽下湟水

師古曰湟音皇

主爵都尉楊僕為樓船將

軍出豫章下橫浦故歸義粵侯二人為戈

船下瀨將軍

師古曰從粵來歸義而漢封之

出零陵或下離

水或抵蒼梧使馳義侯因巴蜀罪人發夜

郎兵下牂柯江咸會番禺六年冬樓船將

軍將精卒先陷尋廕破石門得粵船粟因

推而前挫粵鋒以粵數萬人待伏波將軍

○劉敞曰以字下多粵字

伏波將軍將罪人道遠後期與

樓船會迺有千餘人遂俱進樓船居前至

番禺建德嘉皆城守樓船自擇便處居東

南面伏波居西北面會暮樓船攻敗粵人

縱火燒城粵素聞伏波莫不知其兵多少



師古曰莫讀曰暮

伏波乃為營

師古曰設營壘以待降者

遣使招降

者賜印綬復縱令相招

師古曰來降者即賜以印而放令還更相招諭之也。劉奉世曰何必侯印耶

論之也。劉奉世曰何必侯印耶

樓船力攻燒敵

師古曰力盡力也

反毆

而入伏波營中

師古曰毆與驅同

遲旦城中皆降伏

波

師古曰遲音丈二反解在高紀

呂嘉建德以夜與其屬數

百人亡入海伏波又問降者知嘉所之遣

人追故其校司馬蘇弘得建德為海常侯

師古曰校之司馬若今行軍總管司馬也

粵郎都督得嘉為臨蔡侯

孟康曰越中所自置郎也師古曰誓音雞

蒼梧王趙光與粵王同姓

聞漢兵至降為隨桃侯及粵揭陽令史定

降漢為安道侯

蘇林曰揭音揭南海縣

粵將畢取以軍

降為瞭侯

師古曰越將姓畢各取也功臣表瞭屬南陽音來彫反

粵桂林

監居翁

服虔曰桂林部監也姓居各翁

諭告甌駱四十餘萬

口降為湘城侯戈舩下瀨將軍兵及馳義

侯所發夜郎兵未下南粵已平遂以其地

為儋耳珠崖南海蒼梧鬱林合浦交阯九

真日南九郡伏波將軍益封樓船將軍以  
推鋒陷堅為將梁侯自尉佗王凡五世九  
十三歲而亡

閩粵王無諸傳

閩粵王無諸及粵東海王搖其先皆粵王  
句踐之後也姓騶氏秦并天下廢為君長  
以其地為閩中郡師古曰即今之泉州建安是也及諸侯畔秦  
無諸搖率粵歸番陽令吳芮所謂番君者

南粵 閩粵

也師古曰吳芮號也番音蒲何反從諸侯滅秦當是時項王

主命不王也孟康曰主號命諸侯不王無諸搖等也以故不佐楚

漢擊項籍無諸搖帥粵入佐漢漢五年後

立無諸為閩粵王王閩中故地都冶師古曰地各脚

候官縣是也治音弋者反孝惠三年舉高帝時粵功師古曰追論其

功曰閩君搖功多其民便附迺立搖為東

海王都東甌世號曰東甌王后數世師古曰后與後

同古通用字孝景三年吳王濞反欲從閩粵師古曰招粵令

大乃三 西平五 九十五 九十五

也從閩粵未肯行獨東甌從及吳破東甌受漢購殺吳王丹徒以故得不誅吳王子駒云走閩粵怨東甌殺其父常勸閩粵擊東甌建元三年閩粵發兵圍東甌東甌使人告急天子天子問太尉田蚡蚡對曰粵人相攻擊固其常不足以煩中國往救也中大夫嚴助詰蚡言當救天子遣助發會稽郡兵浮海救之語具在助傳漢兵未至閩

閩粵王

粵引兵去東粵謂舉國徙中國迺悉與眾處江淮之間六年閩粵擊南粵南粵守天子約不敢擅發兵而以聞上遣大行王恢出豫章大司農韓安國出會稽皆為將軍兵未諭領閩粵王郢發兵距險其弟餘善與宗族謀曰王以擅發兵不請故天子兵來誅漢兵眾彊即幸勝之後來益多師古曰言漢地廣大滅國乃止今殺王以謝天子

兵眾彊盛今雖勝之後必更來也

滅國乃止今殺王以謝天子

天子罷兵固國完不聽廼力戰不勝即云  
入海皆曰善即縱殺王師古曰縱音初江反使使奉其

頭致大行大行曰所為來者誅王王頭至  
不戰而殞利莫大焉廼以便宜案兵告大

司農軍而使使奉王頭馳報天子詔罷兩  
將軍兵曰郢等首惡獨無諸孫繇君丑不

與謀

張晏曰繇邑號也師古曰繇音播與讀曰豫

乃使郎中將

劉敞曰當作

中郎

立丑為粵繇王奉閩粵祭祀餘善以

閩粵王

殺郢威行國中民多屬竊自立為王繇王

不能制上聞之為餘善不足復興師曰餘

善首誅郢師得不勞因立餘善為東粵王

與繇王並處至元鼎五年南粵反餘善上

書請以卒八千從樓船擊呂嘉等兵至揭

陽以海風波為解

師古曰解者自解說若今言分疏

不行持兩

端陰使南粵

師古曰遣使與相知

及漢破番禺樓船將

軍僕上書願請引兵擊東粵上以士卒勞

倦不許罷兵令諸校留屯豫章梅領待命

師古曰聽詔命也

明年秋餘善聞樓船請誅之漢兵

留境且往

師古曰言兵在境首恐將來討之

廼遂發兵距漢道

號將軍騶力等為吞漢將軍入白砂武林

梅領殺漢三校尉是時漢使大司農張成

故山州侯齒將屯

師古曰齒城陽恭王子也舊封山州侯

不敢擊

卻就便處

師古曰卻退也音丘略反

皆坐畏懦誅餘善刻

武帝璽自立誅其民為妾言

師古曰妾自尊大也

上遣

關粵王

橫海將軍韓說出句章

師古曰說讀曰悅句章會稽之縣

浮海

從東方往樓船將軍僕出武林

師古曰楊僕也

中尉

王溫舒出梅領粵侯為戈船下瀨將軍出

如邪白沙元封元年冬咸入東粵東粵素

發兵距險使徇北將軍守武林敗樓船軍

數校尉殺長史樓船軍卒錢唐棧終古斬

徇北將軍

師古曰錢唐會稽縣也棧姓終古名也棧音表

為語兒侯

孟康

曰越中地也今吳南亭是師古曰語字或作節或作藪其音同

自兵未往故粵衍

戾吳陽前在漢漢使歸諭餘善不聽及橫  
海軍至陽以其邑七百人反攻粵軍於漢  
陽及故粵建成戾敖與繇王居股謀俱殺  
餘善以其眾降橫海軍封居股為東成戾  
萬戶封敖為開陵戾師古曰功臣表云開陵戾建成以故東粵建成戾斬  
餘善戾二千戶而此封陽為印石戾師古曰功臣表作外石與  
傳云名敖疑表誤橫海將軍說為按道戾橫海  
此不同疑表誤校尉福為繚婁戾師古曰繚音遼婁音於耕反福者城陽王

閩粵王

子故為海常戾坐法失爵從軍亡功以宗  
室故戾及東粵將多軍李奇曰多軍名漢兵至棄軍  
降封為無錫戾故甌駱將左黃同斬西于  
王封為下邳戾師古曰邳音郭於是天子曰東粵陘  
多阻閩粵悍數反覆師古曰悍勇也詔軍吏皆將其  
民徙處江淮之間東粵地遂虛

朝鮮王滿傳

朝鮮王滿燕人自始燕時嘗略屬真番朝

鮮

師古曰戰國時燕國略得此也

為置吏築障

師古曰障所以自障蔽也音之

亮反

秦滅燕屬遼東外徼漢興為遠難守復

脩遼東故塞至涿水為界

師古曰涿水在樂浪縣音普蓋反

屬燕燕王盧綰反入匈奴滿亡命聚黨千

餘人推結蠻夷服而東走出塞度涿水居

秦故空地上下障稍役屬真番朝鮮蠻夷

及故燕齊亡在者王之

師古曰燕齊之人亡居此地及真番朝鮮蠻夷

比日屬滿也

都王險

李奇曰地名也

會孝惠高后天下初定

遼東太守即約滿為外臣保塞外蠻夷毋

使盜邊蠻夷君長欲入見天子勿得禁止

以聞上許之以故滿得以兵威財物侵降

其旁小邑真番臨屯皆來服屬方數千里

傳子至孫右渠

師古曰滿死傳子子死傳孫右渠者其孫名也

所誘漢

亡人滋多

師古曰滋益也

又未嘗入見

師古曰不朝見天子也

真

番辰國欲上書見天子又雍闕弗通

師古曰辰謂辰

韓之國也

元封二年漢使涉何譙諭右渠終

雍讀曰壅

不肯奉詔

師古曰譙責讓也音才笑反

何去至界臨浪水

使馭刺殺送何者朝鮮裨王長

師古曰長者裨王名也送何至

浪水何因刺殺之

即度水馳入塞遂歸報天子曰殺

朝鮮將上為其名美弗詰拜何為遼東東

部都尉朝鮮怨何發兵襲攻殺何天子募

罪人擊朝鮮其秋遣樓船將軍楊僕從齊

浮渤海兵五萬左將軍荀彘出遼東誅右

渠右渠發兵距險左將軍卒多率遼東士

朝鮮

如淳曰遼東兵多也

兵先縱敗散多還走坐法斬

師古曰於法合

斬

樓船將齊兵七千人先至王險右渠城

守窺知樓船軍少即出擊樓船樓船軍敗

走將軍僕失其衆遁山中十餘日稍求收

散卒復聚左將軍擊朝鮮浪水西軍未能

破天子為兩將未有利乃使衛山因兵威

往諭右渠右渠見使者頓首謝願降恐將

詐殺臣今見信節請服降遣太子入謝獻



馬五千疋及餽軍糧

師古曰餽亦饋字也

人眾萬餘持

兵方度浪水使者及左將軍疑其為變謂太子已服降宜令人毋持兵太子亦疑使者左將軍詐之遂不渡浪水復引歸山報天子誅山左將軍破浪水上軍廼前至城下圍其西北樓船亦往會居城南右渠遂堅城守數月未能下左將軍素侍中幸

曰親幸於天子

將燕伐卒悍乘勝軍多驕樓船將

朝鮮

齊卒入海已多敗亡其先與右渠戰困辱

亡卒卒皆恐將心慙其圍右渠常持和節

左將軍急擊之朝鮮大臣廼陰間使人私

約降樓船

師古曰與樓船為要約而請降

往來言尚未肯決左

將軍數與樓船期戰樓船欲就其約不會

左將軍亦使人求閒隙降下朝鮮不肯心

附樓船以故兩將不相得左將軍心意樓

船前有失軍罪

師古曰意疑也

今與朝鮮和善而又

不降疑其有反計未敢發天子曰將卒不能制宋祁曰卒越本作率乃使衛山諭降右渠不能師古曰顛與專同卒終也沮壞也今兩將圍城又乖異以故久不決使故濟南太守公孫遂往正之有便宜得以從事遂至左將軍曰朝鮮當下久矣不下者樓船數期不會具以素所意告遂曰今如此不取恐為大害非獨樓船又且與朝鮮

朝鮮

共滅吾軍遂亦以為然而以節召樓船將

軍入左將軍軍計事即令左將軍戲下執

縛樓船將軍師古曰戲讀與麾同。宋祁曰戲下字上當更有軍字并其

軍以報天子許遂左將軍已并兩軍即急

擊朝鮮相路人相韓陶尼谿相參將軍王

啖應劭曰凡五人也戎狄不知官紀故皆稱相師古曰相路人一也相韓陶二也尼谿相參三也將軍

始欲降樓船樓船今執獨左將軍并將戰

始欲降樓船樓船今執獨左將軍并將戰

始欲降樓船樓船今執獨左將軍并將戰

益急恐不能與

如淳曰不能與左將軍相持也師古曰此說非也不能與猶言不如也

也王又不肯降陶峽路人皆亡降漢路人

道死元封三年夏尼谿相參廼使人殺朝

鮮王右渠來降王險城未下故右渠之大

臣成已又反復政吏

宋祁曰政當作攻一本作改字

左將

軍使右渠子長

師古曰右渠之子名長

降相路人子最

師古曰相路人前已降漢而死於道故謂之降相最者其子名

告諭其民誅成已

故遂定朝鮮為真番臨屯樂浪玄菟四郡

朝鮮

封參為濼清侯

師古曰濼音獲

陶為秋苴侯

晉灼曰功臣表

秋苴獨勃海師古曰苴音千余反

峽為平州侯長為幾侯最以

父死頗有功為沮陽侯左將軍徵至坐爭

功相嫉乘計棄市樓船將軍亦坐兵至列

口當待左將軍

蘇林曰列口縣名也度海先得之

擅先縱失

亡多當誅贖為庶人

贊曰楚粵之先歷世有土及周之衰楚地

方五百里而句踐亦以粵伯

師古曰伯讀曰霸

秦滅

大

五

六

七

八

諸月一作楚尚有滇王漢誅西南夷獨滇復  
寵及東粵滅國遷衆繇王居股等猶爲萬  
戶侯三方之開皆自好事之臣故西南夷  
發於唐蒙司馬相如兩粵起嚴助朱買臣  
朝鮮由涉何遭世富殷動能成功然已勤  
矣師古曰已甚也追觀太宗填撫尉佗師古曰  
言其事甚勤勞以道德安撫之也填音竹刃豈古所謂招攜以禮  
反。末祁曰道德一作恩德懷遠以德者哉師古曰春秋左氏傳僖七年諸侯  
盟于甯母管仲言於齊侯曰臣聞

朝鮮

之招攜以禮懷遠以德攜謂離貳者也懷來也言有  
離貳者則招集之恃險遠者則懷來之也故蔡引之

右將監本杭本越本及三劉宋祁諸

本參校其有同異並附於古註之下

西南夷兩粵朝鮮列傳第六十五



四

四

四